



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

Broj: 02 11 4 12361-12/24

Datum: 06.05.2025. godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka a), a u vezi sa članom 70. stav (1), (3) i (6) Zakona o javnim nabavkama („Službeni glasnik Bosne i Hercegovine”, broj 39/14, 59/22 i 50/24), člana 34. stav (6) Pravilnika o javnim nabavkama Uprave policije Ministarstva unutrašnjih poslova Kantona Sarajevo („Službene novine Kantona Sarajevo”, broj 44/23) i preporuke Komisije za nabavku vozila za specijalne namjene za potrebe Uprave policije Ministarstva unutrašnjih poslova Kantona Sarajevo imenovane Rješenjem broj: 02/5-1-30-1-12247 od 16.12.2024. godine, u postupku javne nabavke vozila za specijalne namjene, putem ograničenog postupka, policijski komesar Uprave policije Ministarstva unutrašnjih poslova Kantona Sarajevo, donosi:

ODLUKU

O IZBORU NAJPOVOLJNIJEG PONUĐAČA I DODJELI UGOVORA

I

Prihvata se preporuka Komisije za nabavku vozila za specijalne namjene za potrebe Uprave policije Ministarstva unutrašnjih poslova Kantona Sarajevo i ugovor za javnu nabavku vozila za specijalne namjene dodjeljuje se ponuđaču:

- KM Trade d.o.o. Visoko u iznosu od 2.307.680,00 KM bez PDV-a, odnosno 2.699.985,60 KM sa PDV-om.

II

Ponuđač će biti obaviješten o rezultatima postupka u roku od 7 (sedam) dana od dana donošenja odluke o izboru ponuđača. Prijedlog ugovora o nabavci dostavit će se na potpis izabranom ponuđaču KM Trade d.o.o. Visoko po isteku zakonom predviđenog roka od dana od kada su svi ponuđači obavješteni o izboru najpovoljnije ponude.

III

Izabrani ponuđač KM Trade d.o.o. Visoko dužan je da u roku od 5 (pet) dana od dana prijema ove odluke dostave dokaze navedene u tački 12.1. i 12.2. tenderske dokumentacije (I faza – pretkvalifikacije), a koje se odnose na član 45. stav (2) tačka od a) do d) Zakona o javnim nabavkama i član 9. stav (2) i (3) Pravilnika o postupku dodjele ugovora u oblasti odbrane i sigurnosti.

Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje zahtjeva za učešće.

IV

Ova odluka stupa na snagu danom donošenja i dostavlja se ponuđaču koji je učestvovao u postupku javne nabavke.

Obrazloženje

Na osnovu Odluke broj: 02-11-4-12361/24 od 23.12.2024. godine i Obavještenja o nabavci broj: 16475-2-1-156-3-146/24 od 27.12.2024. godine, proveden je ograničeni postupak javne nabavke vozila za specijalne namjene za potrebe Uprave policije Ministarstva unutrašnjih poslova Kantona Sarajevo.

U skladu sa Odlukom o rezultatima pretkvalifikacije broj: 02-11-4-12361-6/24 od 11.02.2025. godine, za II fazu postupka kvalifikovao se kandidat KM Trade d.o.o. Visoko.

Dana 07.03.2025. godine na portalu javnih nabavki objavljen je poziv za dostavljanje ponuda (II faza).

Komisija za nabavku vozila za specijalne namjene za potrebe Uprave policije (u daljem tekstu: Komisija) je u provedenom postupku konstatovala da je tendersku dokumentaciju za II fazu postupka nabavke preuzeo kvalifikovan ponuđač.

Prema Zapisniku sa otvaranja ponuda, broj: 02-11-4-12361/24 od 14.04.2025. godine, za aktivno učešće u postupku dostavljena je ponuda ponuđača KM Trade d.o.o. Visoko.

Komisija je izvršila pregled i ocjenu dostavljene ponude, te sačinila Zapisnik o pregledu i ocjeni ponuda broj: 02-11-4-12361-11/24 od 05.05.2025. godine, kojim je utvrdila slijedeće:

- da ponuda ponuđača KM Trade d.o.o. Visoko sadrži sve elemente tražene tenderskom dokumentacijom, odnosno da ispunjava sve formalno-pravne, ekonomske i tehničke uslove i shodno utvrđenom kriteriju "najniža cijena" ispunjava sve zahtjeve Ugovornog organa.

U postupku je podnesena samo jedna prihvatljiva ponuda i to:

- KM Trade d.o.o. Visoko sa ukupnom cijenom ponude od 2.307.680,00 KM bez PDV-a, odnosno 2.699.985,60 KM sa PDV-om,

te se shodno članu 4. stav (2) Pravilnika o uslovima i načinu korištenja e-aukcije („Službeni glasnik BiH“, broj 80/23) u slučaju prijema jedne prihvatljive ponude e-aukcija ne zakazuje.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa članom 69. stav (1) tačka a) Zakona o javnim nabavkama („Službeni glasnik BiH“, broj: 39/14, 59/22 i 50/24), Zapisnikom o pregledu i ocjeni ponuda riješeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14, 59/22 i 50/24).

POLICIJSKI KOMESAR
Generalni inspektor policije

Matfina Hajuarević

Dostaviti:

1. Komisiji za nabavku vozila za specijalne namjene
2. Ponuđaču
3. Odjeljenju za odnose s javnošću, radi objave na web stranici ovog organa
4. a/a

Adresa: Sarajevo, Zmaja od Bosne 9

Tel: + 387(0)33 286-740, Fax: + 387(0)33 655-917

Web: <http://mup.ks.gov.ba>, Email: sektor.matfin@mup.ks.gov.ba